

Коми Республикаса том войтырлөн газет



МОЛОДА

2014
урасьом
7-öd
лун

5 №
(1130)



Менам выль ёрт!

Тайо НОМЕРЫН

Коми Республикаса опера да балет театрысь труппа Виль во водзвылын быдса тöлысь оліс Германиян. Кöні сöмын найö эз вöвны! Дрезден, Потсдам, Лейпциг, Гера, Гамбург, Хоф, Франкфурт-на-Одере, Бранденбург, Кельн да уна мукöд кар кытшовтисны. И быдлаын Комиысь артистыяс сетисны öти-кык концертöн, а Германияса видзöдысьяс радпырысь примитисны на-йöс.

8
л.б.

«Видза оланнуд, «Йöлöга» газетын уджалысьяс! Радпырысь лыдям газетнытö да окота лой тшöтш тиянлы гижны ас сиктса лöмторъяс йылысь». «Миянлы гижöны» рубрикаын - виль нимгяс.

10-11
л.б.

Сочиса Олимпиадаын петкöдчас 5 сюрс сайö спортсмен мираса 80 странаысь. Коми Республика нимсянь лыжиöн котöртасны Юлия Иванова да Станислав Воложенцев. Налы уси шуд нимöдны миянлысь республиканымöс Сочиса Олимпиадаын. Матöбдыжка тöдмасым накöд.

12
л.б.

Öнiя том йöзыд унджык кадсö коллялöны компьютер сайын. Но öд коркö-некоркö воö кад, кор колö мөвпыштны и муса пöв адзöм йылысь. Кодсюрöлөн, гашкö, и эмöсь нин сьöлөм косгысысыс, но и на водзын сувтö юалöм: кызди матыстчыны муса ныв дорö да мый йылысь ськöд сёрнисö заводитны?

15
л.б.



Абу кө жаль вирыд - лок!

Вир босытан республикаса станция корö донорьясöс. Медшöр врачöс вежысь Олег Бекетов корö сетны вир татшöм адрес серти: Октябрь шöртуй, 59 «а» керка (7 часянь 12 часöдз вильлунсян пекничаöдз). Та кызди вир позьö сдایتны тöлысьлөн быд мөд субöтаö юркарса Театральнöй площадь вылын, көни кутас уджавны бригада.

Медводдза локтигөн аскöд позьö босытны сöмын паспорт. Донорлы сетасны сьöм (478 шайт 85 ур), а сідзжö справка кык лун шойччөм вилö шöр удждон воштытöг. Содтöд юалöмла позьö шыöдчыны 8 (8212)29-39-17, 25-14-39 телефоньяс пыр.

Кызди дасыгысьны вир сдایتөм кежлö, позьö тöдмавны rspkкоми.ru сайтысь.



Кужöны тай тшöтйтчыны-артасыны

Сыктывкарса физико-математическöй лицейын велöдчысьяс неважөн ветлісны Вöлöгдаö, медым видлыны ассыныс вынгяссö да тöдöмлунсö войвывса математическöй турнирын.

Öтувъя команднöй зачөтын шедöдисны мөд места. А öткөн-öткөн вайисны уна сикас нимпасын 19 диплом.

Вöлöгдаын ордйысис матö 80 велöдчысь. На пöвстысь 12-ыс вöліны миян физмат лицейысь. Куим лун чöж том математикьяс петкöдлісны ассыныс тöдöмлуннысö. Быдöнлы ковмис гижны олимпиадаысь удж, петкöдчыны команднаса блиц-олимпиадаын, а тшöтш и котырөн уджавны. Та серти и бöрайсны вермысьясöс.

Сідз, 7-8 классьясын велöдчысьяс шедöдисны 2 степеня вит диплом да öти - 3 тшупöдаöс, а гырысьджыкьяс, 9-10 классьясын велöдчысьяс, кык 3 тшупöда диплом да öти 2 тшупöдаöс. Ашшöр уджысь медбур тöдöмлун петкöдліс Надежда Коданева, 2 степеня дипломьяс вичмисны Александр Макаровлы, Кирилл Паршуковлы, Олег Виноградовлы, Михаил Осиповлы да Егор Бригадалы.

Ставнас Турнирын ордйысис 26 команда. Велöдчысьяс волісны Вöлöгдаысь, Череповецысь, Северодвинскысь, Котласысь, Коряжмаысь, Пикалевоысь да Сыктывкарысь.





Полан тöдмасьны? Оз радейт?.. Звöнит!

Радейтчысьяслөн лунö, февраль 14 лунö, 00.00 чассянь 24.00 часöдз «Дöверие телефон» республикаса служба нуöдас «Весь мир построен на любви» «пöсь линия».

Психологыяс отсаласны быдöнлы, кодi звöнитлас налы. Найö отсаласны аддзыны вочакыв радейтöмкöд йитчöм юалöмгыяс вылö: полан тöдмасьны, юклыгöм радейтчöм, сьölöмкылöмгыяс ас пытшкын кутöм, мукöд мытшöд.

Службаыс кутас уджавны сутки чöж, дон босьтöг, анонимнöя. «Дöверие телефонлөн» номер: 8 (8212) 21-11-66 (стационарнöй телефонсянь звöнокыс дон босьттöг). Челядълөн öтув дöверие телефонлөн номер: 8-800-2000-122 (стационарнöй да сотовой телефонгыясянь звöнокыс дон босьттöг). Та кындзи консультацияла позьö шыödчыны онлайн режимын «Приёмная виртуального психолога» юкöнлөн www.komiforum.ru порталын.

Социальной технологияс сöвмöдан регионса шöринлөн юөр серти

Луздорса уна рöма йи торгыяс

Оз бара-й шогö усьны Луздор районса идöртöг олысь да вермыгöм челядь - социальной шöринса специалистгыяс пыр корсьöны да мыйкö выльторйö велöдöны сэтчös томуловös. Быд ногыс ышödöны найös, мед эськö вунöдласны курыд майшасьöм-шогсö.

Со и тайö пöрийö челядь эз сöмын даддьөн катйтчыны да лымйөн ворсны, но и вöчисны уна рöма йи торгыяс. Та кежлö челядь дасьтысисны водзвыв: медводз корсисны мича дозмукгыяс, краситисны ва да виччысисны, кор эськö сийö кынмас. А сы бöрын уна рöмөн пöртмасьыс йи торгысөн мичмöдисны шöринса öшиньув. И тайö мичлуннас сиктса олысьяс кутасны нимкодьясьны тулысöдз!

Миян корр.

Радейтчысьяслөн лунö гажöдас КВН

Февраль 14 лунö Воркутаын мунас КВН, кодi öтувтлас сийös радейтысьясös. Ворсöмын петкöдчасны том йöз, кодьяслы КВН - быдса олöм.

Öнi Воркутаын КВН-ын ворсö 30 команда. Кодьяс кутасны петкöдчыны - петкöдлас кад. А öнi буретш муно командаясös бöрийöм. Талунгя лун вылö позьö шуны, мый нель котыр эм нин - тайö «Пульс», «Гренада», «ЗГ» да «25-й кадр».

Командаяслы ковмас петкöдчыны сылан конкурсын да фоторазминкаын. Костгыясас сыласны йöктасны Воркутаса творческой котыргяс.

«Коминформ» серти



Асланыс Олимпиада



Сочиса Олимпиада вощьомлы сиисны ассыныс гаж Көрткерөс районса Шойнатысы 1-2 классьясын велөдчысь дзюлюкъяс. Котыртлисны сәни «Көдзыд пөльлөн Олимпийской ворсөмъяс» ордысьом.

Бать-мамлөн да челядьялөн «Ёлочка» да «Снеговики» командаяс окотапырысь пырөдчисны конкурсысө: чеччалисны мешөк пытшкын да лыйсисны лым мачысөн. Тшөтш и викторинаын дасыгисны олимпийской кытшъясысь дөрапас. Гажа ордысьомын вермис «Ёлочка» котыр. Ныв-зонлы вичмисны грамотаяс, а медбөрын ставон отув юисны тшай. Татшөмсяма ордысьомыс нөшта лоө февраль 8 лунө 3-4 классьясын велөдчысь челядылы да налөн бать-мамы.

С.В.ПУРАУШКИНА,
педагог-организатор,
Көрткерөс районсы
Шойнатыса шөр школа.

Миян войвывса төлыд вель көдзыд. Карын төвйысь лэбачьяслы тшөтш сьөкыд - сёянто некысь перйыны...Оти лунө ме муні журналистика кружокө да пызан вывсьыс аддзи лэбачьяслы уна сёян дозмук (кормушка). Велөдысь лэдзис босьтны мияны өти сёян дозийн, медым өшөдм сийөс карса пуяс вылө. Ме босьти быдса куймөс. Ставсө найөс вөчөмаөсь Эжваса школаясын велөдчысь ныв-зон. Эжваса уличаясөд вощьлалигөн син улад усьлө пуяс вылын өшалысь вель уна дозмук.

Босьтөм сёян дозмукъястө ми ичөтджык чойкөд өшөдм асланым өшинювса пу вылө, баб-дедлөн керка дорө (найө көсийсисны быд лун пуктыны сэтчө шыдөс да нянь торьяс), а коймөдсө пысалім 21 номера школа йөрө, кытөн велөдчө чойй.

Шыөдча став йөз дорө: карса уличти гуляйтігөн кө аддзанныд лэбачлы сёян дозмук - эн дышөдчөй да пуктөй сэтчө шыдөс либө нянь. А тулыснас найө асланыс пияныскөд кутасны гажөдны тиянөс мичаа дзользөмөн.

Вочасөн быд лун куті казавны пуяс вылысь лэбачьяслы уна сикас дозмук. Сідзкө, эмөсь на миян юркарын шань да төждысьысь войтыр.

Ульяна ГУДИНА,
12 арөс,
«СМЭЖ» пресс-центрө
ветлысь.

Эм на юркарын шань да төждысьысь войтыр!



ГАЗ

Январь 24 лунö Усинскын мунис стартинейджер кузя медводдза карса фестиваль. Гажсö котыртіс «САМ» котыр.

Стар + тинейджер = гаж

Мый сэтшöмыс стартинейджер? Англия кывсянь «стар» тайö кодзув, а «тинейджер» - том морт, рочöн - подросток. А öтлаöдны кө тайö кык кывсö, то вежöртасыс артмö: том йöз пöвстын кодзувяс.

Стартинейджерлөн медшöрыс - тайö ёртасыöm, öтлаын да сувтлытöг йöктöм, гаж нуöдысьяслысь тшöктöмсö öтув вöчöм. А девиз - гажöдчы, кытчöдз эм выныд, ышöд ворсны мукöдös да эн пов!

Стартинейджер - тайö йöктан-гажöдчан уджтас. А көни конкурсыяс, сэн и командаяс. Фестивальö пырöдчисны Усинскса велöдчанінъясысь котыръяс. Найös донъяліс жюри.

Быд командалөн вöлі «гортса удж»: дасытыны визитной карточка, йöктыны быдсикас шылад улö. Бөрьяыс торъя нин кажитчö ныв-зоня. Быд команда зэв бура петкöдліс «гортса уджсö». Медся ёна ыззьöдісны йöктöмнас 1, 3 да 5 номеръяса школясысь ныв-зон.

Сэсся командаяслы ковмис вöчны конкурса удж: йöктыны уна сикас войтырлөн шылад улö, йöктöмын петкöддыны спортивной ворсöм, а сідзжö пырöдчыны сыланкывъяса конкурсö.

Медбöрын жюри висьталіс кывкөртöд. Быд командалы сетісны торъя нимпасын диплом, а Усинск карса торъя предметъяс пыдісянь велöдан 3 номера школяысь ныв-зон шедöдісны фестивальысь гран-при. А. Варнинаös, А. Ковалёвös, Д. Евтишенковös, К.Повстянаяös шуисны медбур йöктысьясөн, налы сетісны медальяс.

Аттö командаяслы кыпыд гажысь, мастера йöктöмысь.

Е.КУЛЬКО



АДДЗЫСЬЛӨМ

Неважён Коми Республикаса госслужба да управление академияын чукörtчылісны велödчысыяс, студентъяс, челядьлы да томуловлы общественной котыръясын водзмöстчысыяс. Буретш 45 том лидерлы и вöлі котыртлöма республикаса XIII велödчан-практикуйтчан конференция, көні найö вермисны вöзйыны ассьыныс соцпроектъяс. Конференция дасьтöмын водзмöстчисны Коми Республикаса йöзöс велöдан министерство, веськöдлысыяс резервö томуловöс дасьтан шöрин да госслужба академия.

Выль вермöмъясөн, томулов!

Аддзысьлөмсö восьтис госакадемиялөн ректор Нина Нестерова. Сійö чолöмалис водзмöстчыс томуловöс да висьталис, мый налөн вöзйöмъясыс зэв тöдчанаось миян республикалы. Сы бöрын сёрнитисны йöзöс велöдан министерствоын зильыс Сергей Жеребцов да веськöдлысыяс резервö томуловöс дасьтан шöринөн веськöдлыс Елена Рассыхаева.

Медводдзаыс конференция мунис «Печа-куча» форматын, кор эм позянлун петкöдлыны некымын ичöтик презентация. Татшöм ногөн кывзысыяс öдйö гөгөрвоисны проектсылыс сюрöссö. Доклад лыддысыяслы вöлі урчитöма 6-7 минут. Тайö каднас жури вермис сетавны и кутшöмсюрö юалöмъяс да колана вöзйöмъяс.



Проектъяс вöліны уна сикасаось. Медбуръяссö пасйисны торъя нимпасъясын. Школаын велödчысыяс пöвстын бур проектөн шуисны Мылдиныс Александр Мигурскийлыс уджсö. Сійö вöзйис вöчны «войнаса челядь» керка дорöдз тротуар. Бур уджөн жури лыддис и Микуньыс Екатерина Некрасовалыс да Алексей Лобановлыс «Пелькöдöм кар заводитчö тэсянь» проект. Кörtкерöс районсалыс вылö пасйисны куим проект. Тайö Шойнатыса Даниил Поповлыс сиктса йöз пöвстын спорт культура лöсьöдöм-паськөдöм йылыс да велödчысыясөн вöзйöм курыд зельöлы паныд сувтöмлы сийм проект, кодөн уджавны-водзмöстчыны позяс Кörtкерöс да Княжпогост районъясын. Пöддельнойса шөр школаыс Эмиль Ибрагимов да Арина Моторина вöзйисны велöдны компьютер грамотаö ветеранъясöс.

Вузъясын велödчысыяс пöвстын пасйисны Анна Гагариналыс «Челядь-челядьлы» проект. «Ворсöмь-



яс öтувтöны миянös» уджтасөн вермысыяс лыдö пырис и Сыктывкарса торгово-экономической колледжын велödчыс Юлия Лузянина. Скейт-парк проект вöзйыс Елена Есечко да томулов пöвстын спорт паськөдöм вöзйысыяс Анна Лопырева да Роман Павленко велödчöны СТЭК-ын жö. Налыс уджъяссö сіджжö пасйисны торъя нимпасъясын. Сыктывкарса медколледжын велödчыс Людмила Мирчевскаялыс уджтассö шуисны медбурөн дзонь-видзалун видзöм-сöвмөдöм боксянь.

Тайö вермысыясыс и кутасны дорйыны ассьыныс вöзйöмъяссö республикаса том йöзлы «21 нэмся лидер» конкурсын.

**Миян корр.
Снимокъясыс Госслужба да управление академиялөн сайтсыс.**



Питирим Сорокинлөн чужомсяньыс - 125 во

Медым төдісны

Февраль 4 лунё Княжпогост районын котыртлісны Питирим Сорокинлөн чужомсяньыс 125 во тырёмкөд йитёдын аддзысьлём. Тодса, мый нималана социолог чужлома Турья сиктын.

Коми Республикаса Госсөветын да наукаын уджалысьяс пуктісны дзоридзьяс Питирим Сорокинлөн памятник дорё, а сіджө ветлісны сы нима краеведческой музейё. Аддзысьлём вылө волісны регионса Госсөветын председатель Игорь Ковзель да сійос медводдза вежысь Валерий Марков.

Аслас шыөдчөмын Игорь Ковзель шуис, Питирим Сорокинлөн пö медводдза уджсянь миянös торйөдö быдса нэм, но сылөн видзөдласыс воясөн эз вошты коланлунсö.

- Нималана земляклөн уджъясын төдöмлуныс йитчöма аслыспöдс мөвпкөд да мича литературной стилькөд. Та понда сылысь уджъяссö вылө донъялөны öнiя кадö учёнойяс, общественникъяс, велөдчысьяс, студентъяс, - төдчөдіс регионса парламентлөн председатель.

Питирим Сорокинлы чужомсяньыс 125 во тырёмкөд йитёдын республикаын котыртöма быдсикас научно-практической конференция да туялан уджъяслөн конкурс, кытчö азыма пырöдчöны том йöз.

- Тайö зэв бур, öд миянлы оз позь вунöдны нималана землякысь нимсö, - төдчөдіс Игорь Ковзель.



«Кузь туй вуджём»

Питирим Сорокинлы чужомсяньыс 125 во тырёмкөд йитёдын Коми Республикаса Госсөветын нимөдісны туялысьысь «Кузь туй вуджём» да В.М. Терехинлысь «Питирим Сорокин: суждения и афоризмы» небөгъяс. Найös йөзөдöма Питирим Сорокин нима «Наследие» шöрин.

«Кузь туй вуджём» - автобиографической роман. Сійос медводдзаысь на вуджөдісны коми кыв вылө. Регионса Госсөветын председателёс медводдза вежысь Валерий Марков серти, небöгын мөвпысь матыс англия дорö. Сэні эм и уна снимок.

Мöд небөг йылысь висьталіс ачыс автор Владимир Терехин.

Шöринса уджалысьяс нöшта төдмөдісны «Питирим Александрович Сорокин: жизненный путь и идейное наследие» брошюраөн. Индöм небөгъясөн окотапырысь вöдитчас лыддысьысь, торйөн нин том йöз.

Коми Республикаса Госсөветлөн юөр серти



Питирим Сорокин - 20 нэмся нималана россия америкаса социолог да учёной. Сылөн нимыс төдса абу сöмын Россияын. Этнография да социология кузя сылысь уджъяссö лыддöны ыджыд научной туялöмъясөн.

Питирим Сорокинлөн чужомсяньыс 125 во тырёмкөд йитёдын Национальной музейын воссис фотовыставка, а Национальной библиотекаын нуөдісны туялысьы сиём память рыт. Сэтчö воліс Питирим Сорокинлөн Сергей Сорокин пиыс.

- Батльөн уджъясыс паськалөмаöсь став мир пасьта. Уна ужж Канадаын, а гежöда паныдасысь гижөдъясыс - сылөн гортса архивын. Коми Республикаын эм уна материал, кытөн пасйöма батльөн ичотгырся да томгырся кад йылысь. Та понда мөвпышти лöсьöдны фонд, медым нимöдны Питирим Сорокинöс да сылысь научной уджъяссö, - висьталö Сергей Сорокин.

Рыт вылө воысьясös төдмөдісны Питирим Сорокинлөн уджъясөн, «Наследие» шöринөн, вöлі котыртöма миян землякы сиём небөг выставка.

Национальной музейын востöм фотовыставкаысь позьö аддзыны Питирим Сорокинлысь оломсö. Выставкаыс «ветлана», та понда волас республикаса мукöд сикт-карö.

Гожöмнас Сыктывкарын лоö войтыркостса научной конференция, а Сыктывкарса университетлөн медшöр корпус водзын востьасны Питирим Сорокинлы памятник.



ТУЙЫН

Коми Республикаса опера да балет театрысь труппа Виль во водзылын быдса төлысь оліс Германияын. Көні сөмын найö эз вёвены! Дрезден, Потсдам, Лейпциг, Гера, Гамбург, Хоф, Франкфурт-на-Одере, Бранденбург, Кёльн да уна мукöд кар кытшöвтісны. И быдлаын Комиысь артистъяс сетісны öти-кык концертöн, а Германияса видзöдысьяс радпырысь примітісны найöс.

Водзын уна на ветлём лоö

Медводдзаысь татшöм кузь гастрольö ветліс и Даша Иусова, юркарса культура колледжын велöдчысь, а тшöтш и опера да балет театрысь артистка. Сыкöд ми и аддзысьлім-сёрнитім.



- Германияö ветлём йылысь мөвпалі сійö здуксянныс, кор театрын шуисны, мый ме тшöтш муна, - висьталіс Даша. - Зэв окота вöлі мунны, а такöд тшöтш и кутшöмкö аслыссикас полём да и труппа водзын ыджыд кывкутöм. Мунöм водзын ковмис зэвтчыны да водзвыв сдایتны колледжын сессия. Сэсся вöліны быдлунъя репетицияс да муна лун виччысьöм.

Суйöр сайö Комиысь ветліс 40 сайö морт. Дерт, сэтчöс оломьыс дзик мöд сикас. Синмад пыр жö шыбитчöны лымтöм, бур шылыд туйяс, Виль во кежлö мичмöдöм уличаяс, керкаяс, вузасян шöриньяс, нюмъялысь войтыр.

Тайö ветлігас Комиысь артистъяс аддзывлöмаöсь Германиясö пöшти ставнас. Öд оломьаöсь, кыз шуласны, чемоданьяс вылын. Быд лун найöс автобусöн новлөдлөмаöсь выльаö. Петкöдчöмаöсь ыджыд и ичöтик сценаяс вылын. А öтчыд жугалöма артистъясöс новлөдлан автобус. И мый шензöдöма комиясöс: Германияын накöд уджалысь Инга да Иван абу шöйöвошöмаöсь - корöмаöсь бур машинаяс да кад кежлö вайöдöмаöсь колана инö. Ве-

сиг миян артистъяслы мойвиöма пуксыывлыны руль сайö да ризъялыштны Германияса бур туйяс кузя.

Нöшта төдмасьöмаöсь немецяслөн культура-традициясöн, гуляйтöмаöсь быдлаті, öд выльаад ставыс виль, ставыс төдтöм, да та вöсна нöшта на ёнджыка көсйыссьö быдгорсö төдмавны. Велөдöмаöсь артистъясыд и медся колана немеч кывьяс. Кыдзи асьныс сералöны, медся мисьтöм кывьяссьö пö öдйöджык велалан.

Дашалы öнöдз на нимкодъ Киль кар дорын аддзывлөмторйысь. Войвыв саридз берегті гуляйтігөн ныв да сылөн ёртъяс аддзывлөмаöсь весиг морскöй котикъясöс. Дзодзöг-утка вылад пö весиг мудзим видзöднысö. Ланьяс, сюзьяс... Сы мындаөн сәні олоны да нимкодъмöдöны сэтчöс олысьяссö. Некодлы пö весиг юрас оз во найöс öбидитны.

Кык вежоныс кольöма төдлытöг. Рөштвояс ярмангаяс, шоколада фруктыяс, пöсь глинтвейн - ставыс тайö кызкö кыпöдöма сёлөмкылöмсö. Дерт, Коми мусьыд гажныс бырöма жö, окота лоöма бөр кöдзыдö да лымъяинö.

- Германия ветлём меным пыр кежлö коляс паметьö, - висьталіс Даша. - Ме гөгөрвоа, мый артистлөн оломьыс - вайны радлун видзöдысьяслы. А кутшöм сылөн национальносът - меным веськодъ. Та вöсна и ветлөмыд менам оломьын, чайта, лоас уна на. Сöмын неуна велöдчышта, босьта колана төдöмлун, а сэсся ті донъяланныд менö.

Даша йөктыны заводитлөма ичөтсьяныс на. Öні сійö ворсö «Лебединое озеро» балетын королеваöс, йөктö «Щелкунчикын» да и уна мукöд рольын нöшта петкöдчö. Көсйöмыс зэв ыджыд. Ас водзас уна мог сылөн пуктöма. А, сідзкö, Даша став сьöкылдунсö венас да быдмас на ыджыд артисткаöдз.

Надежда ПУНЕГОВА
Снимокъясыс Даша Иусовалөн.



ЕНБИ

20 номера юркаrsa библиотека-филиалын неважөн заводитис уджавны киподтуя челядьлөн мастерской.

Садако нывка да сюрс тури

Февраль мөд лунө ныв-зон мөдөдчисны Оригами мөйдвывса странаө. Медводз дзюлюкъяс төдмачисны оригамилөн историяөн, видзөдалисны вөчөмторъяс да төдмачисны медшөр индөдъясөн. Вөлөмкө, челядь пөвстыс унаөн төдөны, мый оригами - тайө японияса искусстволөн ныввизь. Сидзжө төдмачисны, мый японечьяслөн эм оригами вөчясанторлөн быдса легенда. Медшөр геройясыс сэнэ - бумагаыс вөчөм тури да Садако нывка.

Садако чужлөма 1943 воын Хиросимаын. Карсө бомбитигөн пөгибнитөмаөсь сылөн бать-мамыс. Ачыс Садако кольөма ловйөн, но висьмөма сидз шусяна лучевөй висьмөмөн. Госпитальын куйлигөн вөчалөма бумагаыс туриясөс. Сийө эскөма, мый вөчас кө сюрс туриөс - ыджыд көсийөмыс сылөн збыльмас. Вөчасөн нывкалы пыр сьөкыдджык лөма дасьгыны турияссө, гөгөрвоөма, мый сийө некор нин оз бурд. Садако вежөма ыджыд көсийөмсө - мед пө мирын некор оз ло война да мед дугдасны кувласны мыжтөм йөз. Нывка абу удитөма вөчны сюрс туритө... 644 туриөс вөчөм бөрын кувсьөма госпиталяс. Та йылысь төдмалөм бөрын мирса быд пельөсысь челядь заводитөмась ыставны бумагаыс турияссө Хиросимаө - эскөмаөсь, мый Садаколөн ыджыд көсийөмыс збыльмас.

Японияын весиг памятник сувтөдөмаөсь Садаколы, и өнөдз на Хиросимаса музейө быдлаысь вооны ас киөн вөчөм турияс - мирлөн да паметьлөн пасьяс. Асывывса странаысын туриөс лыддөбны радейтчөм, эскөм да лача кутөм символьясөн. Важысянь нин йөзсыс эскөны, мый вөчны кө сюрс туриөс да разөдны матысаяс да өртъяс пөвстад - пөртсяс оломөмад медся ыджыд көсийөмыд.

Тайө легендасө зөв сюся кывзисны челядь да асьныс босытчисны вөчавны туриястө. Зөв нимкодь вөли видзөдны, кыдзи ныв-зон өта-мөдыслы отсасигмоз нускисны-уджалисны. Медбөрын нөшта на стөкан да пароход вөчисны.

Оригами - тайө искусстволөн зөв аслыспөлөс да интереснөй ныввизь. Оригами дырйи оз ков ни клей, ни ножич: колөны сөмын кияс да енбиалун.

Люгмила ВЛАСОВА



Видза оланнӧд, «Йӧлӧга» газетын уджалысьяс! Радны-рысь лыддям газетнытӧ да окота лои тшӧтш тӧянлы гижны ас сиктса лоӧмторъяс йылысь.



Рыська да картупеля шаньгаӧн чӧсмасим

Ӧтчӧд Рӧштво рытӧ ми ӧртъяскӧд петалим кӧлядуйтны. Йӧзыс вочаалисны миянӧс бура, регыдӧн миян чукӧрмис уна кампет. Кӧлядуйтим-гажӧдчим и ветлӧгтыр сӧйим кампет. Паныдасьлисны и сэтшӧм кӧзяева, кӧни миянлы эз и восьтывны ӧдзӧссӧ. Сӧсся ми паныдасим кӧлядуйтчӧсь мӧд чукӧркӧд (найӧ вӧлины куимӧн), ми ӧтлаасим и ветлӧдлим ыджыд чукӧрӧн нин. А ӧти олома пӧч сетис миянлы рыська да картупеля шаньга. Пӧжасыс вӧли пӧсьна, сӧйӧ миянӧс пуксьӧдис пызан сайӧ и юктӧдис тшайӧн. Ми колим шань пӧчлы кампет кулӧк. Вӧли пемыд нин, и пӧсь нянь сӧйӧм бӧрад окота лои узьны. Ми ӧртъяскӧд юксим кампетнад да разӧдчим гортъясӧ. Сэтшӧма кажитчис кӧлядуйтан рытыс!

Влад ПОПОВ,
Сыктыв районысь Визин шӧр школаса 9 «п» классын велӧдчысь.

Тӧвса каникул дырйи...

Тӧвса каникул дырйи, Рӧштво бӧрын, ми нывкаскӧд чукӧртчим гадайтчыны. Босьтим сисьяс, вурсян ем да став коланаторсӧ и петӧм миян пывсянӧ. Пуксим чукӧрӧн, ӧзтим сись да кутӧм чуксавны ловъясӧс. Медводз ми корим чӧртӧс. Медым чӧртӧс локтис, сӧйӧс колӧ куимысь чуксавны да нӧшта восьтышны неуна ӧдзӧс. Куимысь корӧм бӧрын пывсян стено друг кодкӧ кутис кучкавны. Ми сэтшӧма повзим, топӧдчим ӧта-мӧд дорӧ да кутӧм виччысьны, мый лоӧ водзӧ. Пукалим да пукалим, вӧрзӧдчыны ӧгӧ лысьтӧй, а сӧсся пывсян розьӧ кодкӧ гораа серӧктис, вӧлӧмкӧ, тайӧ детинкаяс миянӧс повзӧдлоны. Ӑна и видӧм найӧс, ӧд ми сэтшӧма повзим, весиг гадайтчыны кӧсӧймным вошис. Сидзи и сӧсся разӧдчим.

А нӧшта Василей лун водзын ми ветлим падеясьны (кӧлядуйтны). Дед-баблысь амбарысь перьялим важ кӧлуй, пасьтасим, чужӧмьяснымӧс тупкалим марляӧн. Ме босьти сӧрысь баян, кодкӧ босьтис челядь чача да тасьти вевтьяс. Но и петӧм сиктӧ. Пырӧлим уна керкаӧ: сьылӧм, йӧктӧм, гажӧдчим, сиим кӧзяевалы став бурсӧ. Сӧсся став чукӧрӧн муним клубӧ да юим пӧсь тшай. Каникул эз прӧста коль, дыр на лоӧ мый казтьывны.

Валерия ГОЛОСОВА,
Сыктыв районысь Визин шӧр школаса 8 «а» классын велӧдчысь, Горьковская грез



Снимокъясыс интернетъсь.



Кулөмдін районысь Помөсдінса школаын 7 «а» классын велөдчысь Виктория УЛЯШЕВА гижөма коми мoidьяс. Ми окотанырысь йөзөдам найос «Йөлөгалон» лист бокын.

Шуч, Шач, Шич да Шоч

Эскöй коть эн, но отчыд вель ёсь вен кыптис нель тшотка костын. Öтиос шуисны Шичон, мөдос Шочон, коймөдос Шучон, а нельөдос Шачон. Олисны найö комын арöса Иван Öльö керкаын.

- Ме танi - медся колана тшоткаыс! - горзис Шич. - Буретш ме отсөгон Öльö көзьяинным ассьыс паськөмсö няйтгьсь да бусысь весалö. Быд лун тай менö киас босьтлö, мукöддырйи - некымынысь на. Оз вунöд, майбыр! Вот!

- А ме отсөгон Öльöлөн кучик сапöгыс век югьялö. Öти бус чир абу! - ошйысис Шоч. - Видзöдлöй

коркö көм вылас! Весиг синмыд радлö!

- А метöг тi эськö тайö керкас ёгнас да буснас тыринныд! - суйсис сёрниö Шуч. - Видзöдлöй, кутшöм сöстöм Öльöлөн керка пытшкыс. Чайтанныд, ставыс сiдз артмö? Оз тай! Видлöй джоджтö лöп-ёгысь весавны!

- Кывзöй, ёртгьяс! - шыöдчис медбöрын Шач. - Ме танi колана жö! Эг кө вöв, важон нин эськö Öльöлөн став пиньыс киссис. Пинь вөсалан тшоткатöгыд тай ни öти прамöй морт оз ов.

Вель ёна вензисны да тшöтгьясисны ас костаныс тшоткаяс.

Сэтчöдз, кыгчöдз эз кыв налысь зыксö Öльö.

- Но и но.., - нюммунис Иван Öльö. - Аддзöмныд тай, мыйысь вензьяны! Ставныд тi меным коланныд, ставнытö тшöтш и пыдди пукта. Но тöдöй, мый унатор морт сайын. Дыш кө да дурк ме вöли - некутшöм тшотка эськö меным эз ковмы. А ме сöстöм-лунтö ичöтсъянь радейта.

Сöгласö воисны тшоткаяс. Радлисны, мый татшöм морт дорö веськалисны. И сэксянь сэсся некор нин эз вензьявлыны. Мый юкнысö, кор ставыс тыр-бур да гөгөрвоана.

.....
чужан кывсö мөд кыв вылö вежас? Африкаö кө тэнö шыбитасны, крокодил либö бегемот дорö, сэки быгть велöдчы на ног сёрнитны, а то сёясны. А танi тэнö и сiдз гөгөрвооны. Кутан кө вывтгьясьны - тэкöд ставныс дугдасны сёрнитны.

Яндзим лои Кöчлы. Юрсö лэдзис да руч дорö мунис, шыясис комион:

- Видза олан, Ручö-чойöй!

- Чолöм, чолöм, Кöчиль, - нюммунис Руч.

Корис Кöч Ошкös:

- Чолöм, Микайлö дядь! Кыдзи олан-вылан?

- Бур лун, Кöчиль! А, лун да вой, кыдз шуласны...

Долыд лои Кöчлы. Быгтьö гөгөр югзис. Сэксянь сэсся эз нин рочасьлы. Ас чужан кывйыс тыр-мымон вöли.

Рочасьысь Кöч

Олис-вылис Кöч. Гожöмнас рöмыс руд, төвнас - еджыд. Войвывса пемös. Коми кывйон сёрнитö. Но отчыд сийö паныдасьлис шоныд муясысь воём Руд Кöчкöд да сысянь рочон сёрнитны неуна велальштис. И быгтьö прамöймис мяян Кöчным, мукöддырйи и юрсö на вылö лэпталö!

Отчыд сийö паныдасис Ручкöд. - Чолöм, Кöчиль! Кыгчö нин мөдiн? - юасьö комион Руч.

А Кöчид воча рочасьö:

- Я просто так гуляю! Вот так!

Ручыд Кöчтö эз гөгөрво, чуймөмпырысь кыйкнитлис руд гона вылö, да и бокö кежис, аслад туйöд мунис.

А Кöч водзö тапйö. Паныдасис Ошкöд.

- Чолöм, кузь пель! - шуö Ошкыд. А мөдыс бара рочасьö, мыйкö ас ногыс вомгорулас сёрнитö. Чуймис Ош, ышловзис, лапанас öвтыштис да водзö мунис.

- Мыйкö талун мекöд некод сёрнитны оз көсий, - балябөжсö гыжъялö Кöч. - Мый нö ломаöсь?

Коз улö дзебсис. Видзöдö: орча пу вылын дзормöм Сюзь пукалö. Дыркодь аслас кöдзыд сингьяснас Сюзьяд видзöдiс Кöч вылö, а сэсся шуис жö:

- Мый нö рочасын, торксин

али мый? Ставсö öд кывли! Тэ көни олан, еджыд гон, он али мый Войвыв пармаын? А танi став звер-пöткаыс сёрнитöны комион. Куим кыв кө рочон тöдан, ачыд эн на вежсы, и мөд гон тэныд таысь оз пет. Кöчон вöлин, кöчон и колян!

Дöзмис Сюзь вылö Кöчыд и комион шуö:

- Кыдзи көсья, сiдзи и сёрнита! Кужа да! Абу мыжа ме, мый мукöдыс оз гөгөрвоны. Роч кывтö дыш налы велöдны!

Вель дыр Сюзь видзöдiс Кöч вылö. Сэсся веськодпырысь шуис:

- Пельыд кузь, а юр вежöрыд истöг йыв кузьта. Кодi ассьыс



СПОРТ

Сочиса Олимпиадаын петкөдчас 5 сюрс сайо спортсмен мира 80 странаысь. Лыжникъяс пөвстын Россияса командао Коми Республикаысь веськалісны кыкөн: Юлия Иванова да Станислав Волженцев. Налы уси шуд нимөдны странанымөс. Матөдыджыка төдмасым накөд.

Комиысь - Сочио

Юлия ИВАНОВА:

Оз сөй яй да радейтө йога

Юлия Иванова чужома 1985 воын Сосногорскын. Сэни ичотсяныс заводитома ветлыны лызбон котралан секцияо. Нывлысь виневлун казьялом борын тренеръяс коромаось кышодны сямсо странаса медбур лыжникъяскод. Спортсменка веськалома олимпийской чемпион Алексей Прокуроровлөн сойборд улө. 2011 воын Юлия Иванова шедодома медводдза медаль мираса Кубокын: эстафетаын босьтома бронза. А сэсся и Россияса чемпионатын буре петкөдчөма. Ныв серти, бур по котравны тулыснас, коршондя да шонды.

2013 воын Юлия бара на вермома мираса Кубокын, лоома модон командалон спринтын. Тольсь мысти 4x5 километра эстафетаын, кони спортсменка котортөма классика стильын, Россияса сборной лоома коймодон. Та борын Ивановаос сточа нин индомоось Сочиса Олимпиадао ветлом выло. Экспертъяс серти, Юлия Иванова вермас котортны командной спринтын, эстафетаын, 10 километр да скиатлонын. Спортсменка оз сөй яй да радейтө йога.



Станислав ВОЛЖЕНЦЕВ:

Медбуръяс пөвстын

Станислав Волженцев чужома 1985 воын Ухтаын. Лыжион котравны заводитома тренер Владимир Стрепнев дорын. Буретш сийо петкөдома сийос Россияса сборной тшуподо, а сэсся и мирасо. Мираса кубокын Станислав медводдзаясь петкөдчөма 2008 воын. Енджыка сылы матыс «классика» стиль. Унаон бурон пасйоны сылысь котортан техникасо, позьо по сылысь босьтны пример.

2011 воын Ослоын Волженцев котортөма 15 километр «классикаон». Став дистанциясо мунома медбуръяс пөвстын, но медальодз неуна абу воома, лоома нельөдон. Национальной сборной пыром борын Станиславос коромаось тренируйтчыны странаса медбур лыжникъяскод, но бор локтома аслас тренер дорө: сийо по медбура дасьтас менө. 2014 вося январын Волженцев босьтома бронза «Тур де Ски» ордйысьомын - тайо и лои Сочиса Олимпиада выло путевкаон. Олимпиадаын Волженцев котортгас 15 километр «классикаон». Вермас лоны, мый и эстафетаын петкөдчас. Станислав Волженцев помалома Ухтаса технической университет.



Быдёнлы уджыс сюрас

Сочиё Комиысь мунас и мукöд специалист. 8 морт кутас уджавны судейскöй бригадаын, 6-ыс лооны сідз шусяна «прокатчикöн» - тайö специалистъяс, кодъяс старт водзын мунöны трасса кузя, медым топöдны сöмын на усьöм лым.

Миян регионнын лызьöн котралан спорт ёна сөвмöма. Сідзкö, позьö виччысьны виль медалъяс.



Юргас и коми сьыланкыв

Олимпиада дырйи Соचीын спортсменъяс кын-дзи нöшта петкöдчасны Комиысь «Зарни ёль» да «Северная околица» ансамбльяс, опера да балет театрысь артистъяс «Танцы PRO» йöктöмөн.

«Зарни ёль» ансамбль да сэтчöс медшöр сьылысь Виктория Пыстина петкöдчас «Вычегда-река» программаөн. Олимпиада вьлö воысьяс кывласны оз сöмын роч, но и коми сьыланкывъяс.

«Северная околица» сöмын кык во сайын на чужи, а со усьöма нин шуд петкöдчыны та ыджда спорт гажын - Олимпиада восьтöмын. Ансамбльын сьылысьяс козыналасны видзöдысьяслы дзик виль петкöдчöм. Мойвиас сьывны налы Сочиса Олимпиада паркын, саридзса портын да курорт посёлкын.

Опера да балет театрысь артистъяс дасьтöмаöсь «Танцы PRO» петкöдчöм. Тайö спектаклыс кык юкöна, ставнас сэни кызь йöктöм. Дерт, Олимпиада дырйи ковмас сöмын джын дасьтöмторсö петкöдлыны.

Таысь öтдор Соचीын лоö позянлун пырöдчывны коми войтырсыкас ворсöмгъясö, видзöдны миян республика йылысь ыджыд презентация, а тшöтш и мастер-классъяс дырйи дасьтыны сямöдысь, пу вожъясысь да дöраысь чача-видзöгъяс.



Быд страналöн - ас паськöм

Олимпиачъяслөн вьлыс паськöм йылысь ёна сёрнитöны, öд сійö петкöдлö странасö. Буретш та понда уна во экипировка дасьтылісны мирса нималана дизайнеръяс.

Россияса сборнöйлы форма дасьтис Bosco di Ciliegi мода керка. Соचीын официальной гаж дырйи нывбабаяс пасьталасны пемыдгöрд пиджак, а мужичöйяс - лözöс. Олимпиада восьтигөн спортсменъяслөн лоö параднöй форма: мужичöйяслөн лöz пальто, а нывбабаяслөн Россияса дöрапас рöма пальто.



ВӨЛӨМКӨ

Нималана йөзлөн

НИМАВТӨМТОР

* Юлий Цезарьлөн кырымпасыс сулалө 2 миллион доллар, но кырымпассө некод на абу аддзылөма.

* Чарльз Диккенс гижысь пыр узьөма вой-вывлань юрөн: тайө пö сөвмөдö гижан ен-биалун.

* Китайын медся нималана нимьяс: Иисус Христос, Ричард Никсон да Элвис Пресли.

* Юлий Цезарь заводитöма новлыны юр вылас лавр коръясысь юркытш, медым дзебны гыгалөм юрсисö.

* Керка, кöнi Томас Джефферсон заводитöма гижны США-лысь ашшөрлуна декларация, öнi сэнi сөянiн.

* Альфред Нобельлөн медбөръя кöсйöм (сы нимөн шуöма Нобелевскöй премия), медым эз мыждыны динамит вöчöмысь.

* Альберт Эйнштейнлы вöзйылöмаöсь лоны Израильса президентөн, но абу кöсйисьöма, ог пö вермы татшöм ыджыд уджсö бергöдны.

* Ури Геллер - нималана иллюзионист да мистификатор - чужлöма 1946 вося декабрь 20 лунö. «Кыгысь тэнад енбиалуныд?» юалöм вылö вочавидзö - ылi Хува планетаысь пö.

* Джон Гленн - медводдза Америкаса астронавт, волöма Му шарлөн орбитаөдз. Космосысь бөр локтöм бöрын сы вылö усьöма 3.529 тонна конфетти.

* Елизавета Первая королева тшöктылöма мынтыны налог мужичöйяслы, кодъяс новлöны тош.

* Виктория королевалөн кöлысьдырся козинөн лоöма сыр кусок, кодлөн сьöктаыс тонна джын да пасьяыс куим метр.

* Италиялы государственнöй дöрапас мөвпыштöма Наполеон Бонапарт.

* Сöмын öти морт, кодлысь чужан лунсö лыддьöны официальной шойччан лунөн Америкаса быд штатын - тайö Джордж Вашингтон.

* Моцарт некор абу ветлöма школаö.

* Израильса царь Соломонлөн вөлöма 700 гөгөр гөтыр.

* Уинстон Черчилль луннас куритлöма 15 сиграысь абу этшаджык.

* Джон Пол Геттилөн (мирын медся озыр морт) особнякын вөлöма таксофон.

* Мари Кюри, кодi кыкысь лоöма Нобелевскöй премияса лауреатөн да кодi восьтöма радий, абу вермöма лоны членөн нималана Францияса академияын сы вöсна, мый сийö нывбаба.

* Джон Рокфеллер олiгас йөзлы отсөг вылö разöдöма 500 миллионысь унджык доллар.





Зоньяслы ЛИСТБОК

Онйя том йёзыд унджык кадсё кол-лялөны компьютер сайын. Но од коркө-некоркө воө кад, кор колө мөвпыштны и муса пөв аддзөм йылысь. Кодсюрөлөн, гашкө и, эмось нин сьёлөм косьтысьяс, но и на водзын сувтө юалөм - кыдзи матыстчыны муса ныв дорө да мый йылысь ськөд сёрнисө заводитны.

Муса нывлы аддзыны мича кывьяс

Радейтчөмад тай пыр откодь мытшөдыд - сё во сайын көть өни. Медся сьөкыдөн пыр овлө медводдза воськолыс. Со и тайө мытшөдсө кокни разны. Нылыд зонмыдысь гуся мөвпьяссө кылө-аддзө сё воськов сайын. Сэтшөмөн нин тай чужөмаось нывьясыд. Та вöсна сёрнитны колө збоя да унатор төдөм-гөгөрвоөмөн, ылөдчытөг да серамвыв лэптытөг.

⇒ Позьö варовитыштны нывлөн радейтана кино йылысь. Гашкө, кутшөмкө актёр торйөн нин воө сьёлөм вылас. Вермас лоны, мый матысса кадö лоө позянлун ветлыны и кино видзөдны.

⇒ Дерт, өни этшаөн лыддысьöны. А, гашкө, тэнад сьёлөм косьтысьяд на пөвстысь да? Сидзкө, и аслыд ковмас ёнакодь лыддысьны, медым воөдчыны öти кывйö мусаыдкөд.

⇒ Öткымынлы кажитчас ветлыны тиян карса (сиктса, грездса) нималана иньясöд. Татшөм ногөн позьö унджык төдмавны сэтчөс история да нималана йөз йылысь. Такөд тшөтш сёрнит и мукөд инö ветлөм йылысь: кытчö окотитö петаवлыны муса пöлыд, мый көсий аддзывны ас синьяснас.

⇒ Сёрнитны позяс и чөсмасянторгъ-

яс йылысь. Вермас лоны, мый нывлы торйөн нин ёна кажитчө пусьыны-пөжасьны. Гашкө, и тэнö коркө чөсмөдлас да?

⇒ Позьö и гортса пемөсьяс йылысь сёрнисө кыпөдны. Видлы төдмавны нылыдысь радейтана пемөс йылысь. Гашкө, сийөс асьсө позяс откодявны кутшөмкө ловъя ловкөд.

⇒ Вöляникысь сёрнитнытö позьö и йөз да налөн оласног-сям йылысь

⇒ Позяс сёрнитыштны и водзö велөдчөм да профессия бөрийөм йылысь.

И медшөрыс, мый йылысь оз ков вунөдчыны - нылыдкөд сёрнит мича кывьясөн. Найö отсаласны тэныд восьтыны мусаыдлөн сьёлөмөдз нөшта öти өдзөс.



«Коми йөзөдчан керка»
Коми Республикаса
автономной учреждение.
Веськөдлысь
Н.Н.БЫКОВСКАЯ
Гл.редактор
Г.В.МАКАРОВА



Газет паньсы:
Печать да юөр сетан Коми
Республикаса агентство.
Регистрируйтöма
2007 вося ноябрь 28 лунö
йөзлы юөр сетөм да
культураса озырлун видзөм
кузя оланпасьяс
збыльмөдөм бөрся
видзөдысь федеральной
службалөн Беломорской
управлениеын.
Регистрируйтан пас:
ПИ №ФС 3-0686.
Социальной төдчанлуна
гижөдысьсө йөзөдөма «Коми
йөзөдчан керка» автономной
учреждениелы печать да юөр
сетан КР-са агентствоөн
вичмөдөм сьөм вылө.



Редакциялөн адрес:

167982, Сыктывкар,
К.Маркс улица,
229-од керка,
401-402 кабинетъяс.
Тел. 24-12-22, 24-36-49.
E-mail: Yologa@mail.ru



**Редакцияын
уджалысьяс:**
том йөзлөн мытшөдысь –
юкөнөн веськөдлысь –
Надежда Пунегова;

**письмө юкөнөн
веськөдлысь –**
Екатерина Микушева.



Медводдза лист бокас
снимокыс
Виктория
Пименовалөн.



Авторъяслөн мөвпьяс оз
пыр лөсявны редакциялөн
видзөдласкөд.



Тираж – 551.
Гижөдчан индекс – 52099.
«Йөлөг» газет петö
1991-од восянь
вөжоннас отчид, комиөн.



Печатьö кырымалан кад:
график серти – февраль
тöлысьлөн 5-од лунö
16 часын; кырымалөма
печатьö 16 часын.
Газет печатайтöма
«Коми республиканской
типография» ООО-ын дас
оригинал-макетъясысь.
167610, Сыктывкар,
В.Савин улица, 81
Заказ №



Мукөддирйиыс сэтшөм оокта кутшөмкө чөскыдторйөн номсасыны. Татшөм здукъяс кежлас «Йөлөгаса» Дашуклөн заптөма өти гуся рецепт - ас вөчөм мороженой. Вөлөмкө, сы вылө унатор оз и ков.



Вөчам көүзүгү чөсмасынтор



* Быд көзйикалөн холодильникад эм кутшөмсүрө вотөс-тусь. Лөсяласны өмидз, сьод либө гөрд сэтөр, оз, чөд. Позьө и некымын вотөс өтлаөдны, вөчны сідз шусяна ассорти.

* Мичаа мыськөм вотөс пытшкө содтыны сахар-песок да миксерөн бура гудравны.

* Сы бөрын сэтчө содтыны сливки. Кымын унджык нөгылууныс, сымын бурджык. Миксерөн бара бура гудравны, медым некутшөм чорыдтор эз коль.

* Сэсса артмөмторйө содтыны манка да бара на гудравны.

* Сы бөрын тэчны водзвыв дасьтөм дозмукъясө да пуктыны кынтыны. Бура кынмөм бөрын позяс нин чөсмасыны.



Татшөм чөскыд мороженнойтө магазинад оз вузавны. Та вөсна вөч да номсасы, а тшөтш и матысатө кор.

Нянь-сов!

